

扶風縣志

卷六之十

之聖者曰堯王之聖者曰禹師之聖者曰夫子堯之德有時而息禹之功有時而窮夫子之道久而彌芳遠而彌光用之者昌捨之者亡昔否於周今泰於厥不然者何被袞而裳垂旒而王者哉扶風古縣也在京之西環渭之北望標關輔之首雄壓劇秦之大有尉曰袁弁者學吞漢臺賢負伊鼎文則變雅行乃矩物其為政也剛以斷其理身也柔而立迴大君之清問動賢相之清選寅奉詔旨廓新祠宇廟間岑立宮牆烏趾晬先師於兩楹羅亞聖於十哲砌蘭有主院柏分行徂廟自肅入室加敬陳牲牢而知在間邊豆而無算天下大軍之後也時獎而沒禮域中少康之前也俗媮而迷歸尚儒以戢兵設義而銷戰使人從善遠惡而不自知大哉袁氏之子其用心也至矣邑宰李公才思練達政心和理風聲樹於丕變毗頌樂而不知縣丞主簿尉等瑯琊王畿黍稷公器覽容色窺相公之明鏡整鬢鬣趨相公之龍門雲霄坐馳鳴躍可俟浩自帝鄉薄游鳳翔入境而醉聞佳政告歸而飧味尤績前尉許贊起予能事春秋之徒如何勿書時大歷二年丁未歲記文咸遠二百二十二年實安宋慶歷戊子歲瑯琊王宗元自衛尉丞知縣事駭民廬之踰廟也甚矣迺新廟刻宋皇祐元年知文牖民為學副本本朝右文之意謹題

縣王宗元修元延祐五年知縣張廷祐重修明知縣宋端

盧恕孫昌楊洞王祈禎相繼重修嘉靖十一年知縣楊瞻

建啓聖祠於廟西萬歷四十三年知縣楊策移建廟後萬

歷四十一年知縣馬政和始建泮池廟故有神廚神庫祭

器籩豆明季並爲寇燬國朝知縣史起貞毛士儲唐宣

文並重修增建木坊於泮池上宋姚嗣宗修扶風縣廟學記曰扶風大夫王宗元廣

孔聖廟爲學宮會京兆姚嗣宗宦蜀過宮下大夫請觀學

又請文於石學中孔子堂卽重阜上最宏大左右有序屋

中敞明扉橫限廟位廟外大廡循高絡平周數百楹屋牖

櫺櫺學子之舍東南北向又次爲射飲講肄之地飛閣連

洞以壯瞻覽禮器祭具以輔儒事門垣穹穹髹丹融融魯

廟不巖泮宮不崇制盡宏矣器盡飾矣惟聖人之道忽虐

茫然似隱似顯不矢於言無以疏學者之室顧宮中之有

采采可觀因作規以爲時戒規孔子之堂曰王如公如棖

桶之煌如人心兮何如講會之規曰得之在口傳之在口

施用在心君子曰非口之吉食舍之規曰已食足思天

下之食未足已食不足思天下之食足是右之飽者飽聖

心而已射次之規曰與其不正而中不若正而不中射庫

射虎其弓矢虎規學舍曰彼儒而得者非此儒而失者是
 失者探其要得者為後世笑如曰不然胡為虎孔子之廟
 規門曰既入矣出則駭既闢矣闢則邈奔屏憧憧誰桔其
 角規器用口不以古禮而沒今禮不以今禮而忽古禮便
 者今之厚者古之淺人之侮人者人之嗤大夫知儒則儒師
 來大夫不知儒則庸師來師不敢規其師哲則其徒哲其
 師愚則其徒愚徒不敢規王扶風之立是學隆冬不言寒
 盛暑不言燠上抑之益堅下從之益勤秦蜀相距三千里
 不以愚無似三走書丐辭故極言學之當然以警秦儒之
 好古者皇祐元年九月十五日京兆姚嗣宗記此碑今
 佚元教諭常視遠重修扶風縣學記曰聖元開天勦業
 以來將百年矣我世祖皇帝仗大順奄有區宇乃偃武修
 文首聘魯齋許文正公衡講明正學作新斯民詔四方路
 府州縣大修夫子廟俾守令主之是時孔孟程朱之學已
 煥乎明於世矣延祐改元聖天子繼聖祖之志始設科取
 士經明行修者舉而用之文章過實者悉棄不錄雖三代
 治教之隆無以加矣扶風在漢為右輔今乃名鳳翔屬縣
 民囂雜難以力屈惟時邑令有怠有勤學校之設或與或
 廢是以人材放失儒校濶疎亡以補上意旨是歲冬隴西
 張侯廷祐來尹是邑公正嚴肅令不苟出其養民也以厚
 生其教民也以明倫恥任威刑專事學校未期年政教流
 行乃因民之悅喜下令新廟學眾踴躍勸趨咸自賦材屬

役正殿仍舊規而葺新之。廡門講堂齋房庖廩秩秩有序。陶甓朽堊斧斤版築雲油雨沛併力偕作晨夜不休。越四旬而成。始於二年孟冬之初畢於十一月之末。及繪畫七十二賢歷代名儒凡祭祀供棹器皿悉皆完成。而又給閒田三百畝以廩師生監縣宜陽也。先王簿奉元于德成尉彭衙潘勳皆敏於爲政而尉世儒家志慮與侯克合典史奉天趙懷英亦贊成之。嗚呼聖人之道如水之在地中無所往而不有欲求泉者鑿井而得欲求道者學之而成自匹夫至王公行之可以修身可以齊家可以治國可以平天下彼火書院士欲帝萬世者豈不愚哉。今國家建鰥寡出滯淹禁淫慝薄賦斂赦過宥罪節用愛人以建中和之極以行仁義之教聖人之道蓋與天地相爲無窮矣。今也上以忠其君下以新斯民於職分內事有思其外無不爲者雖古之名卿材大夫未必多讓羽儀朝著亦且有日矣。走忝教職特書始末以告來者。大元延祐五年歲次戊午三月吉日本縣官吏同儒學教諭姚琇等立碑今在戟門外及文昌宮在

縣唐宣文五十九年知縣王隗嘉慶二十一年知縣宋世年知縣史起貞四十六年知縣毛士儲乾隆二十一年知縣順治三年知縣崔永祉康熙十年知縣張寅恭等二十七門左明宣德六年知縣宋端萬歷辛巳邑人孫代國朝

名宦祠

鳳山舊在飛

在戟門左

祀漢右扶風尹翁歸右扶風御史大夫陳萬年右扶風長平侯彭宣

右扶風趙匡右扶風將作大夫匡王堂右扶風太尉楊秉右

扶風光祿大夫龔勝右扶風關內侯黃琬右扶風光祿大夫

舒茂陵令丞相諡憲侯魏相茂陵令遷右扶風光祿大夫

蕭育美陽令王皓宋扶風王簿御史中丞呂誨知縣康傑

金知縣宋九嘉元知縣張廷祐辛榮明知縣宋端周本知

縣贈光祿少卿孫璽知縣遷南昌府判孫昌知縣贈少師

太子太師吏部尚書楊瞻知縣歷兵部尚書徐三畏知縣

知縣遷太原同知王世康知縣歷兵部尚書徐三畏知縣

孟希孔知縣歷光祿少卿王國訓知縣宋之傑宋仕陳子

需李茂春王祈禎熊允豐張京縣丞夏建中典史復揚清

教諭遷國子助教黎昕教諭遷遷徽州知州張大綸教諭左

迪劉勲重書石昂教諭遷紀善盧吉教諭陳孺循訓導杜

亨韓祥鄒明魁國朝知縣

杜俊章李芝馨凡五十一人

鄉賢祠

鳳山舊在飛

在戟門右

祀西漢侍中光祿大夫班伯望都侯班彪伏波將軍忠成侯馬援大

司空安豐侯竇融尚書令申屠剛光祿勳張湛并州刺史

郭伋好時侯耿弇蘭臺令史班固定遠侯班超大司馬耿

國侍中李育侍中賈逵司徒魯恭中散大夫魯丕度遼將

軍耿夔騎都尉耿恭額川太守秦彭司徒尊彪順陽侯馬

廖翟鄉侯馬防將作大匠馬嚴虎賁中郎將馬敦南郡太守
守馬融度遼將軍馬續河內太守馬陵西域長史班勇將
軍馬騰左將軍威侯馬超高士梁鴻晉光祿大夫都亭侯
蘇愉隋工部尚書蘇孝慈唐右僕射扶風郡王馬璘元
子趙榮孝子楊暉招討將軍胡昱慶陽路同知胡克明
四川廉使康郁山東運同前光祿寺卿胡恭漢陽知府張
文質應天府尹賜祭葬胡宗道遼州同知王政定遠知縣
張元浙江參政前山西道御史王綸高平訓導馮侃浙江
參政前御史孫代廣元知縣趙仲玉松江同知胡昂保定
府判王衡貴陽知府孫崇先袁州知府田有年龍安知府
克修吉尚寶司丞趙志孟長寧訓導王合金州訓導樊垣
勅封王事王繩祖鄖陽副使王玘浙江參政王秉鑑川西
道副使張繼孟
凡五十九人

世榮案名宦自漢尹翁歸至蕭育皆富有扶風非邑
令也至唐尉袁弁宋令王宗元皆有功廟學而俎豆
闕如劉志謂鄉賢之李育蘇愉並武功人而既已列
祠似難議去乃純孝如五代之魯康祚著述如唐之
馬樞應在馨報之列而絕無議及者
故附存其說以俟後君子之論定云

文昌廟在聖廟東舊楊公祠址也乾隆三十四年知縣劉思

問改建仍建楊公祠忠孝祠焉後卽其前楹爲賓館俗稱二公

館
嘉慶二十年世舉倡議勸紳士移賓館於察院卽大公館之

西建文昌啓聖祠於廟後附忠孝祠於前殿之東附曹大

家祠於前殿之西又建前一層三楹兩廊十四楹爲義學

建魁星閣於大門樓上世舉自爲記碑在前殿又崇正鎮文昌祠在鎮東南巽隅有康熙二

十三年知縣張寅恭重建碑明知縣楊瞻去思碑又康熙

四十五年邑人董輝重修二聖祠碑康熙五十六年邑人

王琰建三皇殿碑杜城里西韓村文昌廟有康熙五十八

年邑人馬翰乾隆五十九年邑人韓輔治撰重修碑二碑歸

義里文昌祠有乾隆五十年邑人韓輔治撰重修碑三頭

里召光村文昌廟有嘉慶庚午邑人屈宋艷書碑又通遠

里王家堡有廟杏林東門外朝陽寺有閣小漳川

老堡有廟寶村有廟尖角堡有祠五郡東堡有祠

舊文昌閣在城東南隅敵樓上上爲魁星樓舊在飛鳳山順治十三年知縣

金文舉修有碑康熙五十六年知縣丁腹
松重修嘉慶十五年邑人劉世瑞等重修

關帝廟在文昌廟東亦舊楊公祠址也明知縣王國訓建

國朝乾隆三十年知縣陳朝棟三十一年知縣劉思問三

十八年知縣熊家振俱重修有碑又一廟在北街駐防廳

左康熙庚寅修乾隆三十九年知縣熊家振重修今弁兵

香火焉有邑人羅雲寶趙秀三碑又嘉慶二十一年所

聖石刻詩曰寂寞荒郊外關公廟貌存忠腔千載赤遺像

萬人尊落葉鳴秋籟寒松倚殿門高山興仰止誓報我君

恩今存又崇正鎮南城外關廟有乾隆四十二年邑人樊先哲碑

用觀重修碑西街關廟有乾隆二十三年邑人樊先哲碑

北城關廟有乾隆三十四年邑人李泰交重修碑縣西五

里鋪關廟有河南推官毛際可重修碑縣西南秦家莊關

廟有乾隆二十四年邑人楊公顯碑白龍里楊家莊關廟

有里人修建碑縣東湯家凹關廟有雍正元年乾隆十六

年重修二碑縣北四十里黃堆關廟有乾隆十二年邑人

李煥四十年邑人李煥四十九年邑人李士榮重修三碑

尖角村關廟有知縣孔元祚碑又版倉里姜娘村文書鎮

義合里南鐵王村小寨村東官村岐陽里浪店王家村通

遠里管家村田家村永平里齊陽村楊家堡花馬村眾和
 里周家村歸義里西陽村東趙村信義里金石村小留村
 信義村龍槐苟家村良峪里穆家村黃甫里新店村何家
 堡蘭家衛峪村訓義里李家村白龍里楊家村魯馬里陳
 家溝花艷莊鳳泉里雲龍北莊寶村大通里賢官村大官
 村原將西村龍渠里大馬村雲亭里五郡西堡小漳川唐
 家河原上西堡强家溝陳馬村小馬里南張村侯家
 村火張村董家村俱有廟其附於各寺者不載云

社稷壇在縣小西門外坡上

風雲雷雨壇在縣小南門外

先農壇在縣東關外
雍正四年知縣莊秉中建壇地四畝九分

厲壇在縣小東門外
舊志鄉厲壇里各一所今遺址間有存者

城隍廟在東街北洪武三年主簿金淵建正德十三年知縣

徐讓重修
邑人王御史綸有記碑佚
 嘉靖十三年知縣楊瞻建鐘鼓樓

有記
 碑存二十三年大門火里民趙璽等重修並建石坊於二

門內胡同知昂有記碑存三十年正殿災知縣楊洞令鄉民趙從周

等修建獻殿三十六年知縣孫科重修兩廊萬歷二十六

年建大門外石坊今為木坊四十二年增修獻殿邑人孫崇先記碑存崇

禎六年知縣王國訓建戲臺及大門內畫廊邑人孫承教記碑存八

年寇燬諸生王光祖等重建大門 國朝康熙十年二十

七年四十年乾隆二十三年歷有增修有邑人王豫嘉碑知縣史起貞知縣

唐宣文碑今存嘉慶十八年又重修之今世榮議修兩廊及鐘鼓樓大門二門現在興工

舊城隍廟在縣北崇正鎮有康熙二十三年知縣張寅恭碑又雍正間邑人馬登雲修獻殿碑

土地廟在縣治大門內舊寅賓館知縣馬進圖建乾隆四十一年

知縣熊家振修有碑存

龍王廟在縣東街城隍廟東嘉慶九年知縣何承薰建有碑存

舊志在南

村三里

在縣東街北

舊鳳泉驛

乾隆三十五年知縣邱

佐建一在縣南虎王村

元至正二十七年里民元俊叛修

曰祭法口法施於民能禦大災捍大患則祀之日月星辰
山林川谷民所瞻仰而取材用非此族也不在祀典故天
子祭名山大川諸侯祭山川之在其境內者若夫陰陽乖
沴亢澇為災疫癘之作隨禱即應為民致福却禍者所在
祠而祭之就可闕焉惟郡之南山曰太白為坤維巨鎮地
常有冰雪口積望之皚然人以為神若橫雲如瀑布即為
雨候上有靈湫歲水旱瘡疾民禱之其應甚速自唐天寶
貞元間嘗因靈感崇建廟宇紀於柳子厚之碑歷宋及今
祀典無替以其有功於國有利於民是以延及旁郡為置
行祠者有之今鳳翔府扶風縣節原鄉祠宇乃信士元俊
所叛也俊本終南櫟蔇村之裔歲壬子來是鄉時居民鮮
少里巷蕭條歲逢旱勞迎湫致禱屢獲靈應然無有為永
遠焚獻之所者一日俊游是觀有二池可為神湫乃發心
化鄉民呂氏施其地作祠址先立通明殿以奉玉皇左右
位崇四聖蓋知夫神之能興雲致雨息澇弭災莫不稟奉
帝勅輔之貞聖乃獲靈感也次列神祠監壇為配不數載
氣象呼嘯塑繪嚴整信可為一郡祈福之所起士民誠敬
之心者也助其緣者衛氏兄弟楊謀克與有力焉至元庚

寅余寓居清遠道院修之子德雲載拜懇余述爲之記余
嘉其能繼志述事以成父勲有足尚者又歎夫世之人有
銖積寸累以致家道充實顧猶以爲未足作子孫不朽計
豈暇奉神椒口爲民請福如元氏父子者耶聊爲述其梗
概且太白之封號山有廟碑可攷而見唐之前莫究其由
開元間始封爲神應公宋至和中收濟民侯後復還明應
公而熙寧末乃進爵爲王而號福應其封惠濟王者金源
氏也然所謂神之姓氏者推之固無是理或者謂五代史
稱張濛事太白山神傳神言吉凶無不中而神崔其姓據
以爲信殊不知自有天地卽有此山固自有神以司之元
魏之前孰其姓耶昔歐陽公著是事於史蓋謂張濛之傳
神言事有涉於誕者若以姓氏口太白非所以發明神德
反爲神之累茲不可以不辨爲之銘曰瞻南山兮太白有
威靈兮烜赫應凡禱兮昭格逢咎尤兮施澤錫民福兮殄
灾凶神之報兮亦已豐荅神休兮報新宮鑾翠石兮垂無
窮延祐三年五月五日子德雲建孫或上石今名交龍寺

一在縣東二十里馬服村明天啓一在縣東夾道村有明

八年邑人王公選碑一在作儀村又窟陀村齊勝前村五郡

馬神廟在縣東街太白廟前卽舊鳳泉驛廟也有乾隆八年知縣夏之洪收修碑今馬號另

有馬神廟又大通里大官村有廟

火神廟

舊志在縣東五里龍里灣

在縣城隍寢宮西偏

又小馬里窟陀村有廟

藥王洞在縣西街城根

嘉慶間新建有碑

一在縣北二十七里七里

橋

有乾隆四十年重修碑又白草霧村北呂村曹家村史度村聚糧劉家堡召光村史家北村臥龍村俱有廟

八蜡廟在縣西八岔口

舊在南門外嘉靖十三年知縣楊瞻建有記萬歷二十三年知縣萬鉉移

建今處天啓二年知縣熊允豐移廟東嚮有乾隆三十三年邑人周維侯碑

忠孝祠舊在聖廟後今移附文昌廟前楹

詳文昌廟

節義祠在縣西街北

舊志與忠孝祠並云雍正九年知縣張婁度修

姜嫄廟在縣東南四十里姜嫄嘴

俗呼姜嫄寺世犇案康氏武功志釐亭在武功縣西

南三十里今屬扶風縣即其地也古郿邑在此今為郿城鄉

召公廟在縣東北三十里召公鎮祀周召康公

有碑存詳古蹟

三班祠在飛鳳山祀漢班彪班固班超明萬歷中知縣楊策

建

國初寇燬知縣劉瀚芳重修康熙五十七年知縣丁腹松增祀曹大家曰四班今仍曰三班祠

曹大家祠舊在東街

雍正九年知縣張婁度建

今祀文昌祠前楹

詳文昌廟

三馬祠在飛鳳山舊專祀馬援

舊志宋元祐六年修楊粹有記廟在山巔西嚮嘉靖間移

今址

國朝康熙五十七年知縣丁腹松重修增馬融馬超

稱三馬云

賈通志載三馬祠一在絳帳鎮祀融一在伏波村記援一在茂陵山祀超與此異

伏波祠在縣東關坡上

國朝唐宣文建有乾隆二十一年邑人汪盈科重修碑今世弊勸紳士

重修其子孫卽所居建祠不在此列

馬季長祠在縣東南三十里絳帳鎮今廢

馬孟起祠在縣東三十里茂陵山今廢

隋文帝祠在泰陵前二里許今廢

有宋碑殘泐碑側有皇祐已丑知縣王宗元等題名

及碑陰諸題
名尚可辨

韓文公祠在縣北崇正鎮法門寺內今廢

府志云雍正八年移白龍寺中

張橫渠祠在縣南賢山寺橫渠讀書處也

詳古蹟

蘇東坡祠在飛鳳山

康熙間知縣丁腹松修遠愛亭貌公像於中今像不存

宋公祠一在縣北街爲明知縣宋端建一在縣東門爲明知

縣宋之傑建今並廢

楊公祠在東街北聖廟側爲明知縣楊贍建已廢今祀於

忠孝祠

舊志云鄉鎮皆有廟碑多存者今考伏波鎮有嘉靖十一年楊侯立市碑有萬歷丙申知縣黃鉞楊

公祠碑杏林鎮有嘉靖十一年楊公祠碑賢山寺有王九思康浩楊公去思碑崇正鎮亦有去思碑並存

袁公祠在縣東五里鋪爲明知縣袁繼建今廢

王公祠在東郭爲明知縣王世康建今廢

張公祠在西郭為明知縣張京建今廢

雙烈祠舊在聖廟左

明知縣黃鉉建御史錢夢得有記

崇禎七年知縣王國

訓移置醫學內八年寇燬

碑存

國朝乾隆二十三年知縣

唐宣文重建

碑存

東嶽行宮在東關高阜上

有乾隆二十一年邑人費尚友嘉慶十三年邑人趙秀重修二碑

孫真人洞在東關北

祀孫思邈

呂仙祠在飛鳳山今廢

明邑人張繼孟飲飛鳳山呂仙祠詩曰喜見仙祠構在堂簷前瑞靄映蒼

茫形分丹鳳舒雙翼義取黃梁夢一場松舞清風迎袖起日留晚照引杯長上天欲附仙人去正是詩狂帶酒狂

三義廟在東郊邑人孫述建

有乾隆四十九年邑人趙騰蛟撰重修碑又景福宮北三義廟

有康熙十八年邑人王豫嘉重修碑

青龍廟在縣東南十五里

夫風系示
卷六 祠祀